

AWEMainta

E DIFERENCIA DEN NOTICIA

CORTE DI ARUBA TA TRATA MAS CASO DI “MAL PAGADO” CU OTRO ISLANAN



3
ABOGADO LIBER A BIRA MAS DIFICIL ESUNNAN DI POCO RECURSO FINANCIERO

4
TA OFICIAL DEPARTAMENTO DI INFRASTRUCTURA TA BEK DEN MAN DI PROME MINISTER

6
GEOFFREY WEVER: ARUBA INVESTMENT SUMMIT 2024 LO BUSCA PA ATRAE INVERSIONISTA HULANDES


WHAT VS WHERE?


Stop Searching!

M-Files®

Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV

Corte di Aruba ta trata mas caso di “mal pagado” cu otro islanan

Siman pasa diahuebs durante di e ceremonia di instalacion di dos Hues nobo y tambe instalacion oficial di Procurdor General pa Aruba, tambe a hiba palabra Presidente di Hof mr Mauritz de Kort.

Den su discurso elocuente, el a trata varios punto sumamente interesante entre cual e situacion cu tin di hendenan cu no sa con pa maneha nan presupuesto di cas y ta hinca nan mes den extra debe purbando di soluciona un debe haciendo otro debe.

“Na prome luga, algun palabra tocante maneho di presupuesto. Nos ta mira cu e problema di debe den e paisnan Caribense di e reino ta importante. Corte ta ricibi hopi peticion pa emiti ordo di pago.

Aki na Aruba, hasta esaki ta hopi mas cu na e otro paisnan. Ta posibel cu e creditornan na Aruba conoce e caminda pa Corte miho pa esaki, pero na mesun momento y e señal di e sociedad. Aparentemente ta trata di hopi hende cu no por yega fin di luna, cu ta pidi placa presta y den e pio di e casonan ta prooi di e prestamistanan,” segun mr de Kort a trece dilanti. Loke e Presidente di Hof a trece dilanti ta un berdad tristo caminda e situacion financiero di hopi hende of den hopi cas di famia, ta asina dificil pa cumpli tur luna cu nan obligacionnan financiero, cu dado momento nan ta mira un tipo di ‘solucion’ haciendo un fianza na cualkier di e negoshinan cu ta presta placa oficial of cerca individuo y tambe na banco.

AWEMainta hasta por muestra di hopi caso cu ta yega na mesa di redaccion ilustrando riba e problema aki cu a bira mas serio durante y despues di e pandemia di covid19 y ora cu esaki a pasa, ta hopi hende tabata atrasa cu nan pagonan y ta mas cu claro cu ta sigui casonan den Corte pa esaki.

Aki tin cu corda cu hopi hende, principalmente den e sector priva, a keda casi un año sin salario y a confia riba e proyecto FASE pero cu no tabata suficiente pa cubri tur gasto cu e famia tabatin.

Loke a haci e situacion pio ta e hecho cu algun negoshi no a tene compasion of a compronde e situacion serio di su hendenan, cu simplemente na a ricibi suficiente fondo financiero pa cumpli cabalmente, loke mayoria di nan tabata haci prome cu e pandemia.

Ta hunga un rol tambe cu negoshinan aki na Aruba semper ta ofrece cierto ganga na comunidad y gran parti di pueblo



tabata haci uzo di esaki pa yega na sea mueble, na television, na aparatonan electrico manera frigidiaire, micro wave, airco y otro artefactonan.

Tabata dificil pa tur e negoshinan aki cuminsa kita e artefactonan aki for di esunnan cu a cumpra riba cuenta loke a pone cu hopi di nan a dicide di hiba e cliente Corte pa asina yega na un acuerdo di pago caminda tog nan lo ricibi nan pago pero den un forma mas poco poco cu tabata e caso.

Presidente di Hof mr Mauritz de Kort realmente den su discurso di siman pasa, a dal e clabo riba su cabes y su mensahe tabata un alarma pa tanto dirigentenan como tambe e comerciantenan cu ta haci e ofertanan aki pero tambe na pueblo, pa no sigui hinca nan mes den un situacion cu dificilmente nan lo por logra Sali sin consecuencia legal.

Abogado liber a bira mas dificil esunnan di poco recurso financiero

Siman pasa diahuebs 15 di Februari, a tuma luga e ceremonia di instalacion di e Procurador General nobo pa Aruba, mr Amalina Flanegin y tambe di dos Hues nobo pa Aruba, kendenan ta mr. J. Brandt y mr. PAM Pijnenburg. Durante di e ceremonia, e decano di ordo di abogado aki na Aruba, mr Gracita Griffith a dirigi su mes na tur presente caminda el a atende cu e punto conoci popularmente aki na Aruba como “abogado liber.”

Un discurso sumamente interesante y al caso mustrandó entre otro: “Den un mundo caminda, lamentablemente, desigualdad social y inhusticia ta keda e ordo di dia, abogado social, ta hunga un rol crucial den e buskeda di un sociedad mas husto.

Abogacia social. ta un pilar esencial di husticia y igualdad pa tur hende. E ta un sector cu hopi biaha ta keda exponi di mas, pero ta invaluable pa esunnan cu tin biaha mas mester di acceso na ley.

Defensa social (red: abogado liber) ta representa e bosnan di esunnan cu di otro manera hopi biaha no ta wordo scucha, interes di esunnan cu di otro manera hopi biaha no ta wordo representa y derecho di esunnan cu di otro manera hopi biaha ta wordo lubida.

E ta un profesion noble cu ta enfoca riba defende esun mas vulnerabel di nos sociedad, defende husticia y promove acceso igual n’e sistema di husticia pa tur hende, independientemente di nan antecedentenan of situacion financiero.”

Na mes momento mr Griffith a pone dede riba e problema mas grandi di e “necesidad social” aki pa yuda esunnan di poco recurso financiero, indicando cu pa ultimo 30 aña, nunca a adapta e tarifa cu abogadonan liber ta ricibi for di gobierno pa brinda e asistencia legal liber aki, na esunnan cu ta rekeri esaki.

Ta un hecho cu abogadonan tin cu sigui atende cursonan pa asina nan sigui cu cambionan cu tin y cu ta wordo exigi pa nan por sigui funciona segun cambionan no solamente legal, pero tambe cambionan social den comunidad.

Na mes momento e derecho riba representacion legal liber, consagra tambe den tratadonan internacional, manera articulo 6 y 13 di e Convencion Europeo di Derecho Humano y articulo 14 di e Pacto Internacional di Drechi Civil y Politico, ta puntonan cu mester ta siguransa pa comunidad sigui confia di por ricibi a sosten legal aki ora cu nan tin mester.



Sinembargo e situacion no a asina facil ya cu realmente añanan a pasa, pais a conoce cambionan grandi, aumento di poblacion pero abogadonan cu ta atende e casonan aki, no a mira cambio algun den ultimo 30 aña, pa loke ta nan pago cu Departamento Social, esta gobierno, ta brinda nan.

E interes pa abogadonan atende ciudadanonan cu no tin mucho recurso financiero a cay hopi, no solamente aki na Aruba pero mr Griffith a señala cu ta mesun situacion na Hulanda y motibo principal di e desaroyo aki, ta cu e tarifanan pa brinda e sosten aki, a keda atras.

Sinembargo gobierno Hulandes a dicide di interveni y a anuncia cu lo bay atende cu situacion delicado aki pa garantiza esunnan di poco entrada, cu nan lo por sigui contra riba asistencia di abogado liber.

Aki na Aruba e tarifa aki no a wordo ahusta pa ultimo 30 aña cu ta 600 florin cual sin duda ta algo cu no por sigui asina ya cu realidad di e caso ta, cu pa esunnan di menos recurso, e interes pa haya un asistencia legal pa un abogado motiva y inspira, no ta posibel mirando e tempo cu tin cu hinca den preparacion di un caso y costo involvi di esaki.

Mr Griffith den su discurso no a bisa esaki “letterlijk” pero ta un hecho cu abogadonan mi ta mira beneficio den e suma cu nan ta ricibi loke ta pone cu tin hopi caso caminda preparacion di nan asistencia legal na esunnan di menos recurso, no ta tuma luga.

Es mas pa tristo cu e por zona, tin abogadonan cu a ser asigna of solicita pa brinda e asistencia social aki, no ta ni aparece durante tratamiento di e caso di nan cliente.

Ta keda e ora e duda si nan ta cobra asina mes sin atende e caso of nan ta avisa departamento social cu nan no a carga nan responsabilidad.

Ta oficial

Departamento di Infraestructura ta bek den man di Prome Minister

A yera mainta Prome Minister Evelyn Wever Croes a reuni cu departamentonan di DIP, Kadaster, FCCA y tambe cu DOW dunando indicacion cu oficialmente, e lider di MEP a dicidi di asumi su responsabilidad como Minister di Infraestructura. Tas conoci cu for di 2022 Premier Wever Croes a anuncia cu el a “depolitisa” e departamento aki, insistiendo cu el a saca politica for di otorgamento di tereno entre otro pero awor ta parce cu el a cambia di opinion y lo ta encarga cu e departamento aki.

Den un comunicado di prensa a ser muestra cu e reunion a trata e scarsedad grandi di casnan social y general pero e hecho cu DIP a forma parti di e reunion aki, e ta practicamente haci oficial cu lider di MEP a dicidi di bolbe involvi si

mes den e proceso di otorgamento di tereno.

Un desaroyo cu a wordo anticipa for di algun tempo caba mirando cu eleccion ta den porta cu ta aki 17 luna e sin duda e ministerio di infraestructura ta hunga un rol importante den e proceso aki.

Mescos cu e proceso electoral di 2021 na momento cu lider di MEP a dicidi di manda su prome gabinete cas despues cu un di su partnernan di coalicion, esta POR tabata bou di investigacion pa, awor tambe ta anticipando cu e mesun rumbo aki e coalicion actual ta bayendo cu e partner nobo di RAIZ.

Mescos cu a sosode na 2021, ta muestra cu e partido geel lo kier tuma tur otro rivalnan politico for di compas caminda como partido grandi den gobernacion, e lo tin mas bentaha cu tur e otronan pa loke ta preparacion pa un proceso di campaña bon prepara.

Cu tin algo ta broei ta un hecho ya cu e fin di siman aki tabatin tres actividad pa recauda fondo di e partido geel cu a tuma luga y esaki lo sigui aumenta den lunanan venidero pero ta dificil pa MEP bolbe aplica e triki aki cu mesun resultado.

Cu caso di ex Minister Plenipotenciario Besaril, tin cu muestra cu fraude cu el a comete cu carichi di Arubahuis ta casi igual of mas ainda cu loke ex lider di POR, Alan Howell lo a haci su mes culpabel na esaki.

Coalicion MEP-RAIZ as bin ta confrontando diferente reto di confiansa caminda e forma con fraccion geel den Parlamento a bin ta cuestionando e maneho cu Minister Ursell Arends a bin ta hibando, ta indicacion cu ta hincando e mandatario aki den un skina cu lo ta facil pa caba e acuerdo di gobernacion cu su partido.

Fuera di esaki tin rumornan insistente cu colega Minister di Ursell y di partido, Geoffrey Wever, ta ser liga cu por lo menos dos partido cu no ta RAIZ pero e mandatario cu contrario na su colega Arends, ta sigui haci su trabou cu tur respet y seriedad cu por tin.

Sinembargo un serie di nombramento na diferente departamento di gobierno, tambe ta indicacion cu e proceso conoci como “afscheidbeleid” a inicia for di aña pasa caba na momento cu e lider di RAIZ a dicidi di keha su Prome Minister na Corte pa otorgamento di un permiso na un hotel pa construi un beach na Eagle.



Air Navigation Services Aruba N.V. (ANSA) is responsible for providing safe, efficient and reliable air navigation services to the aviation industry. ANSA is seeking a *Management Assistant* for its Management Support unit.

Management Assistant Responsibilities

- Process all incoming and outgoing documents thru ANSA's document management system;
- The monthly update of ANSA's Roadmap;
- Collect and search, upon request of the CEO and staff members, specific documents or information on various topics;
- Independently compose and draft letters, documents, and reports for the CEO and staff members;
- Manage incoming telephone traffic;
- Make proposals to improve the applicable internal administrative procedures;
- Assist the Financial Controller with accounts payable (data entry in QuickBooks and online payment orders);
- Collection of ANSA charges (accounts receivable), which involves daily updates of billing data, the daily operation of the billing system, and maintaining contact and correspondence with customers;
- Provide flight statistics.

Requirement/Profile:

- Minimum HAVO diploma;
- HBO work and think level;
- Ample experience in a similar position;
- Highly proficient in Excel, Word and QuickBooks;
- Good oral and written communication skills in English, Papiamentu, Dutch, and Spanish;
- Possesses analytical skills;
- Social skills and team player;
- Highly motivated and with a positive attitude;
- Able to work under pressure;
- Change-oriented;
- Result and customer oriented;
- Integrity and with a professional attitude;
- Self-reflective and improvement oriented.

If this position appeals to you and you meet the job requirements and profile, please send your application letter and CV (to prove ample experience in a similar position) with copy of diplomas, recommendation letters, list of references and certificate of good conduct not later than February 23, 2024 to our HR officer e-mail: oliver.clark@ansa.aw.

A practical test and medical assessment will form part of the hiring process.

For more information about ANSA, visit our website www.ansa.aw.

AWEME

MINI MEGA


MEGA PLUS

Cumpra bo Mini Mega y cu **Afl. 2,-** mas,
bo por gana e jackpot di

AFL

775.000,-

Con?



Afl. 550.000,-

+



Extra!

Afl. 225.000,-

www.lottoaruba.com



Pa mas informacion yama 525-7555 of bishita nos website lottoaruba.com

Geoffrey Wever:

Aruba Investment Summit 2024 lo busca pa atrae inversionista Hulandes

Durante un conferencia di prensa dialuna mainta, Minister di Asuntonan Economico, Geoffrey Wever, ta anuncia cu e Aruba Investment Summit 2024 lo tuma luga na Den Haag, Hulanda, riba dia 21 di maart proximo. E obhetivo principal di e summit ta pa presenta Aruba como e destinacion di inversion principal den Caribe y pa destaca e oportunidadnan cu nos isla tin pa ofrece.

Minister Wever a subraya e importancia di promociona Aruba como un destinacion di inversion atractivo, y a gradici tur esnan involucra pa nan esfuersonan pa haci e Aruba Investment Summit 2024 un realidad. AIS 2024 ta un esfuerzo conhunto entre e Representacion di Hulanda na Aruba, VNO, Camera di Comercio di Aruba, Aruba Huis, y



organisa pa unidad ARINA di Departamento di Asuntonan Economico.

E summit lo inclui discusionnan riba oportunidadnan di inversion den area di sostenibilidad, cual riba su mes ta trascende diferente industria. Tambe lo focus riba oportunidadnan pa Oranjestad y San Nicolas manera gastronomia, real estate, entretenimento y mas.

Promocion extensivo pa e evento lo ser haci riba diferente plataforma di media, cu enfoke special riba inversionista potencial for di Hulanda y cercania. Organizacion y maneho di registracionnan pa e evento ta cera maneha pa ARINA. Lo presenta oportunidad pa comerciante y interesadonan participa tanto cara-a-cara, como tambe e opcion pa atende virtualmente via Microsoft Teams.

Pa mas informacion y detayenan tocante e Aruba Investment Summit 2024, por tuma contacto cu e Ministerio di Asuntonan Economico of bishita nan website oficial di www.investina-ruba.com

Minister Geoffrey Wever kier a gradici tur esnan cu ta bay haci e Aruba Investment Summit 2024 un realidad. Sr. Vincent Storimans, Plaatsvervangend Vertegenwoordiger van Nederland in Aruba (VNO); Sr. Diederik Kemmerling, presidente di Camara di Comercio di Aruba; Sr. Ady Thijsen, nos Minister Plenipotenciario na Den Haag y e ekipo di Aruba Huis; Sra. Maria Pita-Dijkhoff y, directora di Departamento di Asuntonan Economico y su team di ARINA, Zuleika Quant y Bryan Lenzinger.



Air Navigation Services Aruba N.V. (ANSA) is responsible for providing safe, efficient and reliable air navigation services to the aviation industry. ANSA is seeking *Air Traffic Controllers* for its Air Traffic Control (ATC) unit.

Air Traffic Controller Responsibilities

- Expedite and maintain an orderly flow of air traffic and ensure safety of aircrafts during landing and takeoff and while in the air;
- Monitor and direct the movement of aircraft on the ground and in the air to ensure that they are separated from each other;
- Issue takeoff and landing instructions to pilots;
- Transfer control of departing flights to other traffic control centers and accept control of arriving flights;
- Provide advice and information to pilots useful for the safe and efficient conduct of flight, such as weather updates, runway information, and other significant information;
- Notify appropriate organizations regarding aircraft in need of search and rescue aid and assist such organizations as required;
- Report incidents, emergencies, hazards and any other matter that requires attention of management.

Requirement/Profile:

- VWO or HAVO diploma with mathematics and physics;
- Minimum age of 20 years;
- Good oral and written communication skills in English, Papiamentu, Dutch, and Spanish;
- Possesses analytical skills;
- Knowledge of Microsoft Office and related software;
- Able to work under pressure;
- Highly motivated and with a positive attitude;
- Change-oriented;
- Diligent, accurate and able to work independently;
- Integrity and with a professional attitude;
- Result and customer oriented;
- Social skills and team player;
- Self-reflective and improvement oriented;
- Flexible and able to work shifts, weekends, and holidays.

If this position appeals to you and you meet the job requirements and profile, please send your application letter and CV with copy of diplomas, recommendation letters, list of references and certificate of good conduct not later than February 23, 2024 to our HR officer e-mail: oliver.clark@ansa.aw. A security screening (“veiligheidsonderzoek”) by the VDA as well as a capability, psychological and medical assessment will form part of the hiring process.

For more information about ANSA, visit our website www.ansa.aw.

Na Tanki Flip

Accidente entre scooter y auto a laga dos hende herida

Siman no a ni habri drechi, ora cu dialuna mainta, banda di 7'or, polis ta bay na altura di e rotonde di Tanki Flip, pa un accidente entre un scooter y un Nissan March.

Den e accidente aki dos hende a resulta herida. Polis y ambulance a presenta n'e sitio.

E dos heridonan a ricibi tratamento medico, pero a hiba nan ambos hospital p'asina ricibi atencion avansa.

Daño material ta considerabel, mirando den ki condicion e scooter a keda despues di e accidente.



COMFORT, FOOD AND COCKTAILS


FOR SHOWTIMES AND ONLINE TICKETING:
WWW.CARIBBEANCINEMAS.COM

☎ 787-999-3292

📷 @caribbeancinemasaruba

📺 Caribbean Cinemas Aruba

DOWNLOAD OUR APP



Conseho di Minister a ricibi presentacion riba e situacion financiero di AZV




Diabierna ultimo, durante un reunion cu Algemene Ziektekosten Verzekering (AZV), Conseho di Minister a ricibi un presentacion di e departamento, pa asina haya un bista riba e situacion financiero di AZV. Prome Minister Evelyn Wever-Croes a indica cu durante e reunion a bin dilanti e condicion cu Hulanda a pone durante e pandemia, pa corta Awg 60 miyon di AZV, pa asina Aruba por haya placa fia pa yuda esnan cu mas a wordo afecta pa e pandemia. E condicion aki a trece su consecucionan den cuida di salud, pero a pone cu AZV a bay traha riba un modelo di con pa baha gastonan di cuida riba termino largo. Esaki sigur, teniendo na cuenta cu Aruba su poblacion ta enbeheciendo, y ta esnan mas halto di edad ta esunnan cu mas ta haci uzo di nos cuida medico, consecuentemente e gastonan ta sigui subi.

E meta di Gobierno ta pa tin un fondo di AZV solido, pa asina por sigui brinda e cuida basico y provee e remedinan basico cu tin mester. Prome Minister a expresa cu e modelo financiero presenta pa AZV, proyectando con e gastonan ta bay ta, ta hopi impresionante. Tambe nan a duna mas informacion di e acuerdonan nobo cu nan ta cerando cu esnan cu ta duna e servicio medico pa asina garantiza un bon cuida di salud.

Prome Minister a indica cu a base di e reunion aki lo sigui cu deliberacionnan cu Hulanda y CAft pa asina por yega na un protocol nobo entre Gobierno y AZV pa e siguiente añanan. Esaki lo trece claridad tanto pa Gobierno y AZV y na mes momento riba e posicion di Hulanda.

“Mi ta gradici tur esnan cu ta labora na AZV pa e tremendo trabou cu nan a bin ta haciendo pa sigura cuida medico y Gobierno lo sigui lucha pa AZV tin e espacio financiero pa por sigui duna e bon cuida na e comunidad di Aruba”, Prome Minister a expresa.



Miembro Independiente di Parlamento: Ryçond do Nascimento

MEP mester para cu Hulanda pa combati patronahe politico

MEP ta cobarde pa atende cu corrupcion manera debe ser, ni cuanto Ricky Hoek ta purba tapa esaki. E motibonan ta obvio. MEP mester deal cu e echo cu POR a genera tres investigacion penal. Caso Diamante a resulta den condena, caso Flamingo den e confesion di Hans Geerman y ta pinta preto pa Otmar. Solamente caso Kukwisa a termina den un sepot. Como cu MEP gusta grita “Dime con quién andas, y te diré quién eres” e amor entre POR y MEP mester ta doloroso awo. Ademá MEP mester deal cu e corrupcion den su mesun seno, for di activistanan te na e integrantenan di mas importante. Vacuna-gate ta muestra cu despues cu Dangui a fix su campañadornan, nan a haci fiesta bendiendo prueba di vacuna den forma fraudulento. Caso Kwihi ta trata di comercio ilegal cu contract gubernamental, involucrando ex-ministernan Chris Romero y Eddie Briesen. Caso Tulipan ta trata di malversacion di placa, unda cu ex-polis y ex minister plenipotenciario Guillfred Besaril a biba na grandi, comiendo den restaurant caro riba custia di BBO.

Como cu MEP no ta capaz pa sikiera evita corrupcion den partido, e pretension di MEP pa crea un pais liber di corrupcion ta ridiculo. MEP mes ta un riesgo di integridad. MEP su prome riesgo ta e ignorancia cu su parlamentarionan y ministernan ta demostra. E prueba di nan ignorancia ta e frasenan cu nan ta uza pa papia di e problema: “integridad, nace bo ta nace cu ne”, “appel putri”, “esun cu faya mester sinta riba su blaar.” Ta comosifuera nan no a yega mas leu cu derde klas ora ta trata di integridad gubernamental y corrupcion institucional. Nan no por reconoce un conflicto di interes y nan no sa nada encuanto un bon estructura di governance. P’ese y henter Aruba por mira cu nan ta incapaz di crea un cultura cu ta preveni corrupcion den MEP mes. Ta simplemente imposibel pa kier elimina corrupcion sin un maneho di riesgo. Loke ta crea corrupcion structural no ta “appel putri”, sino e lodo putri di e patronahe politico di MEP y AVP. Ta hustamente e cultura corrupto MEP no kier adresa y p’ese y nunca MEP por ta efectivo.

Esey ta hiba nos na e texto di Ricky. Como cu Ricky no por debati riba e contenido, e kier

ataca mi persona. E ta spera di atacha mi credibilidad, pa e no mester deal cu e patronahe politico den MEP. Asina Ricky ta core pa e berdad. E ta yama mi e mastermind, esun cu a prepara e plannan corrupto di AVP. Si berdad Ricky ta kere cu mi a conseha Benny pa skirbi “dezerzijds akkoord” of Paul con pa bende ontheffing of Michelle Winklaar pa fix contract lucrativo, Ricky berdad mester core, pero pa duna aangifte na Ministerio Publico.

Ademá Ricky su texto ta slap, y p’ese y papa Nel mester a bin apoy’e riba Facebook. Pero Nel mes ta cofundador di patronahe politico y danki na patronahe politico awe Nel tin un caachi caachi extra den WEB. Pa 30 aña Nelnan a uza parlamentario como marioneta, transformando Staten den un stempelparlement. Nan a uza aparato gubernamental como cabay di campaña y despues di 30 aña, mayoria di servicio di gobierno tabata pesimo. Djis puntra señora Evelyn Wever-Croes pakico Hulanda kier Landspakket. Ta un berguensa cu awe Nel ta pretende di por contribui algo na

Setar of na WEB, mientras cu Nel mes a yuda sabota sector semi-publico. Na aña 2020 a sali un rapport Corporate Governance in Aruba cu ta muestra cu bao Henny, Nel y Mike tabatin un free for all den sector semi-publico. Esey ta pasa ora hende ta campaña “Aruba ta Berde”, “Aruba ta Geel”, lubidando e color real di nos bandera.

MEP no ta gusta wordo yama cobarde, pero MEP tin miedo pa lucha contra patronahe politico. Berdad MEP no tin e forza pa combati e sistema aki su so, pero hunto cu Hulanda si. P’ese y MEP mester brasa RAft y acelera Landspakket, sin haci triki. Desmantela e sistema di nombramento politico den Setar, RDA, WEB, Elmar y Utilities etc. Traha hunto cu Hulanda pa crea proceduranan cu ta combati corrupcion. Intensiva e relacion cu Hulanda riba control penal y handhaving. Of MEP ta prefera di bay tras di Paul, Benny cu Otmar cu ta grita tur dia cu Hulanda ta mal hende y Ministerio Publico ta inhusto? Para hunto cu Hulanda pa combati patronahe politico ta simplemente un cuestion di curashi.



Parlamentario Marco Berlis a ricibi contestacion di Minister riba “No More Hotels”:

Entre 2009 cu 2017 Gabinete Eman I-II a duna green light pa 7000 camber extra!

Dia 17 di October 2023 Parlamentario Marco Berlis di fraccion di MEP a manda 20 pregunta riba e tema di “No More Hotels” pa Minister di Turismo y Salubridad Publico sr. Dangui Oduber. E contestacion a tarda un poco pa yega Parlamento, sinembargo minister di Turismo a duna un contestacion amplio pa asina brinda Parlamento di Aruba un bon perspectiva di e realidad actual. Pueblo merece pa ricibi informacion concreto y transparente for di su representantenan, sigur ora cu e tema tin di haci cu e cartera di mas di 90% di pueblo. Hotelnan ta dunadonan importante di trabao y ta aporta grandemente ne finansa di miles di negoshi, famianan y nos pais.

Algun di e preguntanan haci pa parlamentario Berlis na minister di Turismo.

Minister, ta berdad cu gobierno di AVP den e periodo di 2009-2017 a duna hotelnan permiso pa construi mas o menos 7000 mil camber aki na Aruba?

Contesta: E maneho pa cu permiso pa tereno ta resorta bou di Directie Infrastructuur & Planning (DIP) cual ta cay bou di ministerio di infrastructura. Ministerio di turismo ta esun cu ta encarga cu e maneho di otorga permiso pa opera hotel. E pregunta menciona ariba a wordo dirigi na DIP y segun cifranan di DIP e gobierno di AVP durante e periodo di 2009-2017 a duna permiso y opcion pa traha mas o menos 7.000 camber di hotel, condominio y apartamento.

Minister por bisa cuanto permiso Gabinete Mike Eman a duna exactamente pa traha mas hotel?

Contesta: Si, segun cifranan informacion ricibi for di DIP, AVP den e periodo di 2009 pa 2017 a duna permiso y opcion pa traha mas o menos 7.000 camber di hotel, condominio y apartamento. Pa mas informacion por consulta e ROPV.

Minister por informa Parlamento cual tabata e minister cu a otorga e permisonan pa construi mas hotel aki na Aruba durante di gobierno di Mike Eman?

Contesta: E minister di infrastructura di e tempo ey sr. Benny Zievinger, sosteni pa fraccion di AVP den parlamento.

Minister por compara cuanto permiso a wordo duna pa traha hotel entre 2009-2017 bao Gabinete di Mike Eman y durante e Gabinete Wever-Croes 2017-2023?

Contesta: Gabinete Wever-Croes ta trahando te cu dia di awe pa mitiga e desaster laga atras door di Gabinete Mike



Eman I y II y bahando lo mas posibel e cambernan cu no ta cumpli cu e condicionnan etcetera. Riba e plan di mitigacion, a logra reduci e cantidad di 7.000 camber pa 1.971 te cu 2025, y di 2025- 2030: 1.357.

Minister, durante 2009-2017 cu e permisonan aki pa hotelnan a sali publicamente, tabata tin algun protesta den pueblo pa no pone mas hotel?

Contesta: Di loke por tin den memoria, ningun gremio, fundacion of sindicato a protesta contra construccion di mas hotel durante e periodo 2009-2017. Tawata parce mas bien cu e tempo si tawata OK pa un gobierno otorga permiso pa construccion di mas di 7000 camber di hotel. E tempo ey no tawata tin protesta, no tawata tin cuestionamento, no tawata tin critica y mas bien tabata tin apoyo di parti media ambientalistanan pa construi mas hotel.

Di e forma aki nos por wak claramente e realidad di pais Aruba riba e topico di “No More Hotels.” No ta nada straño tampoco cu AVP y Benny Sevinger ta asina keto riba e tema, sabiendo con nan a deshaci durante nan gobernacion cu e terenonan di nos pais. Ademas, kende a protesta di 2009-2017 durante di gobernacion di AVP contra e 7.000 cambernan aki?

Ni un musca a bula e tempo ey! Pero nos por ta trankilo di wak claramente cu e gobierno aki a tuma e pasonan necesario pa mitiga e situacion y a baha e permisonan pa traha camber di 7000 pa 1.971, y pa 2025-2030 esaki lo baha te na 1.357.

Eric Ras(Curpa):

E palabra di dios mester ta guia di un gobierno honesto y transparente

E problema social na Aruba cada dia cu pasa ta bira pio. Ta papia hopi pero ta haci nada. Masha tempo caba cu e ser humano no ta central. Si pueblo no por biba den trankilidad lo no ta bay tin paz den nos pueblo. Ora nos mira parlamentarionan Hulandes ta bin Aruba pa reuni cu gremionan religioso riba e punto di matrimonio di mesun sexo nos pregunta lo ta kico ta pasando den e cabes di e parlamentarionan Hulandes aki. N'e momento aki nos pueblo tin cosnan hopi mas importante cu e matrimonio di mesun sexo. Nos grandinan y esnan sin trabao ta biba den miseria y nada gobierno ta haci. Nos isla ta den decadencia y nada ta wordo haci.

Tur cos ta muestra cu ta traha mas duro pa haci malo cu haci bon. Locual cu nos mester realisa ta cu mas nan dividi nos pueblo mas e plan diabolico ta avansa sin ningun resistencia. Ora nos mira ken ta esnan cu financieramente ta pusha e agenda 2030 nos mester por saca nos conclusion. E world Economic Forum ta e organisacion cu ta pusha su plan division den pueblonan rond mundo y nan ta esnan cu ta pusha e matrimonio di mesun sexo y awor nan ta forsa paisnan pa legalisa pedofil. Mientras pueblo bringa riba e matrimonio di mesun sexo y pedofil, nan agenda ta avansa sin resistencia paso nan meta ta pa haci mas daño na hende cu haci bon. Legalizando pedofil no ta nada otro cu destrui bida di nos criaturanan. Meta principal di e agenda aki ta pa destrui e famia y destrui nos criaturanan pa asina logra baha e poblacion mundial. Berdad e palabra di Dios ta bisa cu e ladron ta bin pa mata, horta y destrui. Esaki ta e plan di Sustainable Development Goals. Nos por mira un beneficio financiero tras di e agenda aki?

Locual cu nos por mira den e ultimo tempo ta cu bida di e ser humano no ta conta. E ser humano no ta importante paso bao di e gobierno aki a pone mas peso riba lomba di esnan di menos recurso entre otro nos grandinan y esnan sin trabao. E punto cardinal di e agenda aki ta pa baha e cantidad di hende riba e mundo aki. Ta comproba cu nunca no a existi un pandemia sino ta trata di un arma biologico y un experimento riba bida di hende paso e experimento nunca a wordo aproba y tur animal cu a wordo inyecta a muri. E prome pais cu a cuminsa cu un investigacion penal contra di e ex minister di salubridad ta e gobierno di Italia y recientemente tin un keho penal entrega tambe contra di ex minister di salubridad Hulandes. Cambionan den guber-

nacion rond mundo ta saca na luz di dia e plan diabolico di e gobiernonan socialista. E efectonan secundario lo genera un ganashi di 500 bion di dollar pa industria farmaceutico cu no ta na bienestar di e ser humano. Esaki ta un otro prueba pa baha e poblacion mundial.

Nos gobernantenan ta uza e strategia pa tene pueblo dividi pa asina keda nan poder. Si nos analisa of repasa e ultimo 20 añanan di nos gobierno nos por mira bon cla cu nos pais no a progresa sino ta bayendo atras. Awe nos dushi isla ta den debe y nos por mira edificionan bandona, nos centro di ciudad bandona y nos por mira careteranan den mal estado. E palabra mantencion no ta aparece den e programa di e gobierno aki. E planta di purificacion na Bubaliplas no ta importante.

Nos di partido Curpa ta kere cu lo bay tin eleccion e aña aki. E simpel echo cu a yama un reunion importante di parlamento y parlamentarionan ta debidamente na altura cu si no tin 11 parlamentario di coalicion e reunion lo no por sigui. Di antemano nan ta wordo avisa di e reunion. Nan por gaña kico cu nan kier pero for di hopi tempo caba no tin amor den e matrimonio di e coalicion di partido MEP y RAIZ. Tin un distancia grandi entre pueblo y gobierno. Esaki ta tempo di e husticia di Dios riba e gobierno aki pa bay leyman di Dios. Partido Curpa e unico alternativa.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lonico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Candela masivo a destrui por lo menos 130 chosa na India

Un candela grandi a destrui diadomingo por lo menos 130 chosa den e localidad di Rohini, Delhi (India), e medionan local ta indica.

Den un video cu ta circula riba red social por a mira e servicionan di emergencia combati e vlamnan extenso cu a propaga door di e colonia.

Diescinco unidad di bombero a yega n'e luga di e tragedia, den e cercania di Shahbad Dairy y a logra paga e vlamnan. Te asina leu no a reporta ni victima ni herido.

Autoridad a señala cu causa di e candela ta bao investigacion, sin precisa mayor detaye riba e caso.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

45%
OFF

FREE
MICROCHIP



“E lo ta ami of Kamala Harris”

Nikki Haley ta sigura cu e proximo presidente di Merca lo ta un hende muhe



NIKKI Haley, precandidato Republicano n’e presidencia di Merca, a sigura diadomingo den un entrevista p’e programa “This Week” di e cadena ABC cu e proximo presidente di e pais Norte Americano lo ta un hende muhel

Na un pregunta riba si e lo duna sosten na Donald Trump den e caso cu e gana e nominacion Republicano, Haley a recalca cu e ta presentando contra e ex-mandatario - cu kende el a crusa atake constante den e careda pa alcanza e candidatura n’e eleccion presidencial di e aña aki - , pasobra e ta considera cu “e no mester ta presidente.”

“Mi ta presenta contra dje pa un rason, pasobra mi no ta kere cu e ta e prsona adecua n’e momento indica,” Haley a declara, añadiendo cu “lo ultimo” cu ta pasa doo door di su cabes ta ken e lo bay duna sosten, pero solamente e ta pensa ta den “con pa gana.”

“Mi no ta pensando den kende mi ta bay duna sosten, pasobra mi ta pensando den e echo cu nos lo bay tin un hende muhe presidente na Merca, lo ta ami of Kamala Harris,” e ex-emba-hado di e pais Norte Americano na Nacionnan Uni, a señala, reiterando cu si Trump yega na logra e candidatura “e no lo gana.”

“Tur encuesta ta muestra, e no lo gana y nos lo tin di presidente Kamala Harris,” el a indica, afirmando cu e no lo laga esaki sosode. “Mi no lo bay para, mi no lo bay ningun caminda, nos lo bay haci esaki a largo plaso y nos lo bay

caba cu ne,” el a bisa.

Haley ya a perde e primarianan den e estadonan di Iowa, New Hampshire y Nevada, e ultimo n’e opcion “ningun di e candidatonan.” Dentro di un siman, Haley lo kier gana e primarianan Republicano na South Carolina, su estado natal, caminda cu segun un encuesta publica na principio di februari, a posiciona e precandidato 26 punto bao di Trump den e estado aki.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3

Telefon: 5646733 - 5653466

E-mail: info@carlymar.com

Avion ta sufri daño grave na su estructura durante despegue n'e aeropuerto di Belgrado

Un avion di Marathon Airlines, cu tabata opera pa Air Serbia, a hay'e obliga di bay bek urgentemente n'e aeropuerto Nikola Tesla di e capital Serbia, Belgrado, despues cu su estructura a resulta gravemente dañá durante despegue.

E incidente ta debi cu e Embraer 195LR, cu tabata dirigiendo n'e ciudad Aleman di Dusseldorf, a dal contra e luznan di e pista ora cu el a adopta un posicion di despegue incorrecto, segun e medionan Serbia.

E avion a lanta casi for di mita di e pista, mas of menos 1300 meter prome cu final di esaki. Sinembargo, di e 3500 meter di largura di e pista, e avionnan di pasahero normalmente tin mester di 3100 meter pa lanta.


“E vuelo JU324 di Air Serbia di awe (diadomingo 18 di februari 2024) di Belgrado pa Dusseldorf, opera pa un empresa asocia, a bay bek Belgrado pa rason tecnico,” e compania aereo a comunica, precisando cu “e avion a baha sano y salbo.”



“E seguridad di e pasaheronan no a hay'e menasa den ningun momento,” Air Serbia a sigura.

E suceso a provoca cu e lantamento y e aterisahanan n'e aeropuerto di Belgrado a keda suspendi pa por lo menos un ora.

Union Europeo lo multa Apple cu mas di 500 miyon dollar pa competencia inhusto



Union Europeo lo pone un multa di 500 miyon euro (539 miyon dollar) na Apple pa faborece su propio servicio di streaming di musica contra e competidonan manera Spotify, Financial Times a informa, cu ta cita e personanan familiarisa cu e asunto.

E investigacion a cuminsa a base di un denuncia di Spotify na 2019 riba supuesto comportacion di competencia inhusto di Apple, manera e impedimento di informa e usuaronan cu dispositivo iOS riba e opcionnan di subscripcion mas barata a traves di otro plataforma externo n'e App Store.

Preparacion entusiasma pa Weganan Interinsular 2024 p'e deporte di Schaken



E emocion ta aumentando segun nos ta acercando pa Weganan Interinsular 2024 y e ekipo di schaken di Aruba no ta keda atras! Cu dedicacion y pasion nos atletanan ta drentando e fase final di nan preparacion, sigurando cu nan ta cla pa enfrenta e desafio cu ta spera nan.

E sesionnan di entrenamiento intensivo ta programa pa tuma luga durante ultimo simannan prome cu e competencia marcando un momento crucial den e caminda pa exito. E atletanan lo beneficia di entrenamiento specialisa na e siguiente fechanan y orario: diamars, 20 y 27 di Februari, 5:30 pm - 6:30 pm, Diasabra, 24 di Februari, 1:30 pm - 3:00 pm.

E luga pa e encuentronan aki lo ta na e Centro di Bario Dakota na unda e federacion di schakken tin un espacio adecuado pa cada atleta.

Nos orguyo ta crece segun nos mira e dedicacion y esfuerzo di cada miembro di e ekipo. Bou e guia experto di e entrenadornan Carol Williams y Jose Pesqueira, nos atletanan di schaken ta desaroyando nan habilidadnan y strategia di wega na un nivel impresionante. E combinacion di expe-

riencia, pasion, y dedicacion ta formando un ekipo cu ta prepara pa sobresali.

IBiSA ta hopi satisfecho cu e forma con cosan ta bayendo y ta desea e ekipo di schaken lo miho durante nan preparacion. Nos ta convenci cu nan dedicacion y esfuerzo lo traduci den prestacionnan extraordinario durante Weganan Interinsular 2024 contra Bonaire y Curaçao.

E comunidad di Aruba ta keda invita pa apoya nos atletanan for di dia 29 di februari te cu dia 3 di maart y na C. B. Dakota. Sigui nos na caminda p'e exito y celebra e espiritu deportivo cu ta bibando den cada entrenamiento na caminda p'e competencia.

Nos ta desea nos ekipo di schaken lo miho y ta conta cu nan pa eleva e number di Aruba den e Weganan Interinsular!

Pa mas informacion y pa sigui e progreso di nos ekipo por nos pagina social di IBiSA Aruba.

Ban Aruba! Nos ta mas cu prepara pa enfrenta e desafio y demonstra nos talento na e Weganan Interinsular 2024!



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Mbappe ya tin contract firma cu Real Madrid

Algun dia despues cu e futbolista Kylian Mbappe a anuncia cu e no lo sigui den Paris Saint-Germain (PSG) den e proximo temporada, Real Madrid a yega na un acuerdo cu e hungado. Asina Marca a detaya, cu a publica cu e Frances ya tin un contract firma pa cinco aña cu e club Spaño, caminda cu e lo converti den esun miho paga di e team.

Segun loke a revela p'e medio, dialuna, 19 di februari, e convenio lo drenta na vigor entrante prome di juli proximo, ya ta firma desde dos siman pasa, hasta prome cu Mbappe a reuni cu e presidente di e ekipo Frances, Nasser Al Khelaifi, pa confirma cu e no lo sigui den e institucion y pidie pa no presenta ningun oferta pa renoba e vinculo. Di e manera aki, e futbolista a ratifica loke el a anuncia aña pasa a traves di un carta, caminda cu e ta renuncia n'e di tres temporada opcional cu a figura den su contract.

E medio Spaño tambe a detaya cu e contacto inicial entre e dirigentenan di Real Madrid y Mbappe a tuma luga den e prome dianan di januari. N'e momento ey, e vinculo cu PSG ya a drenta den su ultimo seis lunanan y a habri e posibilidad di negosha cu otro club.

El Merengue a comunica pa sa si e delantero ainda tabatin intencion di ficha p'e institucion y e contesta tabata positivo. E ora ey, a tuma como base e acuerdo cu nan a yega na mei di 2022, pa 130 miyon euro, ora cu finalmente e futbolista a dicide continua na Paris.

A logra cera e contract y Mbappe lo converti den esun miho paga di e team. Segun Marca, citando fuente cercano n'e negociacion, su salario lo ta entre 15 y 20 miyon euro netto pa aña, loke lo agrega premio p'e obhetivonan alcansa. Riba e cifra aki mester añadi e prome cu e lo ricibi pa yega den condicion di liber, ya cu Real Madrid no lo mester paga p'e traspaso, fuera cu no lo mester recauda den concepto di derecho di imagen.

Ya na augustus 2021, Real Madrid a haci un prome intento pa ficha e Frances. N'e momento ey, a haci un

oferta di 160 miyon euro, cu despues a subi na 180 miyon. Sinembargo PSG ni sikiera a responde.

E comienso di e luna aki, e corant le Parisien lo a anuncia cu "lo inevitabel a sosode" y Mbappe lo bay Real Madrid. "E mayor strea di futbol Frances lo uni n'e club mas grandi d mundo e proximo temporada," nan a publica.



Landado Israeli ta haya critica despues di gana medaya di plata den e Mundial di Doha



E landado Israeli Anastasia Gorbenko a ricibi critica di parti di e publico cu a asisti e Mundial di Landamento cu a tuma luga na Doha, capital di Qatar, despues di a logra e medaya di plata den e categoria di 400 meter.

Den un video cu ta circula riba red social, por scucha e fluitamento y e boe nan, mientras cu e deportista di 20 aña, ta wordo entrevista na pia di e piscina despues di e final. “Mi ta hopi contento di ta aki y di representa mi pais n’e momentonan dificil aki. Ta aki cu e bandera Israeli ta nifica hopi pa mi y pa mi pais,” Gorbenko a bisa, cu despues un biaha mas a ricibi critica durante e ceremonia di entrega di medaya.

Despues el a señala n’e periodistanan cu no ta prome biaha cu el a scucha boo dirigi na su persona durante e campeonato. “Mi tey aki un siman. Mi a scucha tur e desordonan aki, pero mi ta cu earplugs. (...) Mi ta aki pa haci loke mi gusta, cual ta deporte,” el a manifesta.

Aunke el a reconoce cu e criticanan aki ta “affect’e emocionalmente,” el a bisa cu e lo participa den competencianan futuro cu lo tuma luga den e paisnan Arabe. “Al fin y al cabo, Israel tambe ta den Medio Oriente. Mi ta spera cu algun dia nos por tin paz cu tur hende,” el a expresa.

Gorbenko, di mayor Ucrainiano, a nace y a crece na Israel. “Mi tin famia na Ucrania,” el a afirma, agregando cu e situacion aki “ta dificil.”

E landado a caba cu un tempo di 4:37.36 minuut tras di

e Britanico Freya Colbert, cu a bay cu e medaya di oro cu un tempo di 4:37.14, T’e prome medaya pa Israel den e mundial aki.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

Evento di inflacion ta stimula chauffeur pa spaar placa

Bucuti & Tara ta inicia campaña di conscientisacion di presion di taira

Bucuti & Tara Beach Resort, Aruba ta drecha caminda pa un futuro mas berde y mas sigur riba careteranan di Aruba. Dia 11 di januari, 2024, e resort a organisa un evento di conscientisacion pa controla presion di taira di auto. E iniciativa a logra reuni personal y miembronan di comunidad mientras a atende 29 vehiculo. Di nan, solamente cuatro, of sea 14%, tabatin tairanan yena corectamente. Pa e resto di 86%, e control a duna garantia cu e taira di nan vehiculo tabata corectamente yena, y cu sigur ta trece cu ne varios beneficio.

Den esfuerzo pa mehora siguridad riba caminda, reduci emision di carbon, y promove eficiencia di combustibel, Bucuti & Tara a organisa e evento aki pa pone enfasis riba e importancia critico di mantene presion optimal di tairanan di bo vehiculo. E evento a trata temanan clave relaciona cu tairanan cu no ta yena suficiente y nan impacto riba siguridad, consumo di combustibel, y medio ambiente.

Inflacion pa siguridad.

Taira cual tin e aire adecuadamente lo evita e molester di tin un taira flat. E beneficio di e evento di [E prome y unico hotel certifica como carbon-neutral den Caribe](#), pa conscientisacion di presion di taira.

• Maneho mas eficiente den consumo di combustibel.


Vehiculonan tin menos resistencia di recorrido ora cu nan tairanan ta yena cu aire na e nivelnan di presion recomenda. Motor di e vehiculo e ora no mester traha asina duro pa move, cu ta conduci na mehora eficiencia di combustibel. Como resultado, ta consumi menos combustibel y ta dispidi menos emision di carbon na atmosfera, resultando den un imprenta di carbon reduci.

• Nabegando pa un horizonte mas berde.

Mas leu cu e taira ariba su mes, e iniciativa ta trata di pone menos peso riba e planeta. E evento a curasha mantencion regular di taira pa prolonga e uzo mas largo. Haciendo esaki, na final, ta spaar chauffeurnan placa y ta reduci e impacto ambiental desfavorabel di crea y deshaci di tairanan. Pa fabrica tairanan nobo, ta necesario uza recursonan natural manera plastic natural y azeta. Manteniendo e presion di taira optimo, chauffeurnan ta reduci e frecuencia di cambio di taira, indirectamente conservando e recursonan aki y minimalisando e impacto ambiental relaciona cu e produccion di taira.

• Cambiando pa siguridad personal.

Poniendo enfasis riba e papel crucial cu presion corecto di taira



ta hunga pa sigura estabilidad di e vehiculo, traccion, y capacidad di brake, reduciendo asina e riesgo di accident cu por resulta den lesionnan y hasta perdida di bida.

Tene Duro pa futuro

E iniciativa di conscientisacion riba presion di taira di Bucuti & Tara tabata un esfuerzo holistico pa cuida di vehiculo. E ta pa promove conscientisacion tocante sostenibilidad ambiental, y alabes anima e chauffeurnan pa tene na cuenta e impacto amplio di nan actonan riba e planeta y pa ta consciente di nan propio siguridad.

Inclusion di hende muhe na Aruba



Dia 8 di Maart ta celebra dia Internacional di Hende Muhe. Dia internacional di Hende Muhe ta un celebracion global na unda ta celebra logro social, economico, cultural y politico di hende muhe. E fecha aki tambe ta un yamada di accion pa acelera igualdad pa hende muhe. E tema pa e aña aki ta: Inspira inclusion.

En conexion cu celebracion di dia Internacional di Hende Muhe, Oficina Central di Estadistica (CBS) a scoge pa haci un encuesta relata na e topico aki esta “Inclusion di hende muhe na Aruba”. E meta di e encuesta aki ta pa tin un bista di e inclusion di hende muhe na Aruba.

E encuesta ta encera ponencianan tocante inclusion di hende muhe na Aruba riba diferente area manera den nan hogar, trabou, organisacionnan di boluntario, clubnan di deporte, institucionnan religioso (misa/iglesia), gobierno, medionan di comunicacion y medionan social.

E encuesta ta disponibel den 4 idioma: Papiamento, Hulandes, Ingles y Spaño. Na comienso di e encuesta por scoge den cual idioma ta desea di completa e cuestionario. Tambe ta haci un par di pregunta tocante di e caracteristicanan di e persona cu ta contesta e preguntanan, manera por ehempel nan edad, pais di nacemento, nacionalidad, educacion di mas halto cu nan a completa y si e persona ta emplea.

E encuesta aki lo ta uno completamente “online” y lo ta accesibel pa tur persona di 15 aña of mas te cu 1 di maart 2024 via e siguiente link: [https://www.dooblocawi.com/](https://www.dooblocawi.com/client/Survey.aspx?Ticket=AJ9T84HG)

[client/Survey.aspx?Ticket=AJ9T84HG](https://www.dooblocawi.com/client/Survey.aspx?Ticket=AJ9T84HG)

E link aki lo ta disponibel tambe riba nos Facebook: Central Bureau Statistics Aruba.

Oficina Central di Estadistica ta pidi cooperacion di un y tur pa cu e encuesta “Inclusion di hende muhe na Aruba” pa asina tin un bista cual ta e opinion di e comunidad di Aruba tocante e topico aki.

Pa cualkier pregunta tocante e encuesta por tuma contacto cu CBS, durante oranan di oficina na 524-7433 of por manda un e-mail na cbs@setarnet.aw



Minister Ursell Arends:

Scol Basico Kudawecha a haya su hardin di alimentacion

Den un iniciativa pa inculca balornan di practicanan di agricultura sostenibel y importancia di siguridad di alimentacion den e siguiente generacion, Minister Arends a lansa un proyecto di agroforesteria na scolnan basico na Aruba. Diasabra 17 di Februari 2024, boluntarionan, maestronan, y studiantenan a uni forsa pa prepara un hardin di alimentacion na Scol Basico Kudawecha, marcando e di dos instalacion exitoso dentro di e proyecto aki. E entusiasmo y esfuerzo colectivo di comunidad a haci evento uno memorabel, demostrando e potencial pa educacion ambiental colaborativo.

E proyecto lo continua te cu juli unda lo evalua e siguiente etapa pa engrandecé proyecto hunto cu Living Soil y Santa Rosa. E hardinnan aki no ta solamente un herment educativo, pero tambe ta sirbi como un empuhe pa muchanan haya e entusiasmo pa sigui planta na cas cu un mentalidad di provee pa nan mes.

“Mi ta increíblemente orguyoso di e pasion y dedicacion cu mi ta mira den nos comunidad escolar y boluntarionan,” segun Minister Ursell Arends, kende ta encarga cu Sector Primario. “E proyecto di agroforesteria na scolnan basico ta un paso importante den e direccion di un Aruba mas saludabel y consciente. Hunto, nos ta sembrando e simianan pa un futuro mas sostenibel.”

E exito di e proyecto te awor a ser logra den colaboracion cu Santa Rosa y Living Soil, hunto cu boluntarionan. Minister Arends ta extende un palabra di gradicimento na tur esnan cu a contribui na e proyecto den cualkier forma.

Ministerio di Naturalesa ta invita e comunidad pa uni bou di e proyecto di agroforesteria na scolnan basico cu esfuerzo continuo pa uza nos recursonan natural na un manera responsabel y educa nos muchanan riba e importancia di siguridad di alimentacion.



Minister Maduro a contesta preguntanan di studiantenan di EPI sector Hospitalidad

Riba gobernacion cu ta toca finansa y cultura na Aruba



Cu masha placer Minister Maduro di Finansa y Cultura a reuni den e dianan aki cu 4 grupo di studiantenan di EPI Sector Hospitalidad cu den cuadro di un tarea pa e vak Burgerschap ta tene entrevista cu diferente minister. Tabata encuen-tronan masha ameno den cual Minister Maduro por a comparti informacion di gobernacion cu ta toca temanan financiero y tambe pa haya sa mas di e trabounan cu ta wordo haci pa cultura por wordo bib'a y conserva na Aruba.

Minister Maduro ta desea tur 4 grupo hopi exito cu nan tarea y nan estudio.

Cas na candela y un morto

WILLEMSTAD - Dialuna 19 di februari 2024, alrededor di 03.55'or, Central di Polis a dirigi unidadnan policial y di brandweer pa un adres den Monte Carmelo pa un cas cu tabata na candela.

Na momento cu e unidadnan a yega n'e adres, nan a bin topa un cas parcialmente na candela y e camber den cua

e victima tabata drumi, completamente na candela. N'e momento ey a constata cu ta trata di un hende homber drumi riba cama completamente carbonisa. Dokter di polis cu a haci acto di presencia, a constata morto di e homber Toola Singh nace na Guyana dia 3 di maart 1961. Causa di e candela ainda no ta conoci y investigacion den e caso ta continua.

Salmón Toscano Cremoso De Mantequilla De Ajo



Lleve su salmón al siguiente nivel: el salmón braseado se cocina en la cremosa salsa toscana de ajo con tomates secados al sol y espinacas tiernas. ¡Esta es una comida fácil en una sola sartén que está lista en menos de 30 minutos!

Receta

TIEMPO PREVIO: 5 minutos
 HORA DE COCINAR: 20 minutos
 TIEMPO TOTAL: 25 minutos
 2 SERVICIO

Ingredientes:

4.5 libras de salmón
 Sal al gusto
 Pimienta al gusto
 1 cucharada. Aceite de oliva
 4 dientes de ajo
 1 unidad de cebolla
 1,5 cucharadas. Manteca
 5 onzas Tiras de tomate secado al sol en frasco
 0,25 taza de vino blanco
 1,75 taza de crema espesa
 3 tazas de espinacas tiernas
 0.5 taza de queso parmesano
 2 cucharadas. Perejil fresco
 1 cucharadita Sésamo

Direcciones:

1. Sazona las porciones de salmón por ambos lados con sal y pimienta.
2. Calienta el aceite en una sartén a fuego alto. Dorar el salmón en la sartén caliente, con la carne hacia arriba



primero durante 5 minutos por cada lado. Una vez cocidos, retira los filetes de la sartén. Dejar de lado.

3. En la misma sartén, agrega el aceite de oliva, el ajo, la cebolla y la manteca; luego saltee hasta que esté fragante (aproximadamente 1 minuto). Añade las tiras de tomate secado al sol, el vino blanco y sofríe durante 1-2 minutos. Reduzca el fuego a fuego lento, agregue la crema espesa y revuelva ocasionalmente. Sazona con sal y pimienta al gusto.

4. En la misma sartén, devuelva el salmón a la sartén, agregue las hojas de espinaca, el queso parmesano, el perejil y espolvoree con sésamo.

5. Servir inmediatamente.

Fortaleza pa Famia

Solamente union, oracion, y evangelio por rescata nos hubentud

E situacion ta mucho mas serio cu nos ta pensa, maldad y inmoralidad a avansa den tur forma, y e forsa di libertinahe, cual ta e bida cu ta pone hende pensa cu tur cos por, tur cos mag, of ban purba, of tal hende tambe ta haci'e, laga mi tambe haci'e, tin e hubentud den su gara.

Pa hopi tempo e asunto aki a wordo uza como defensa y wega politico, pero awor e asunto aki a bin bek den scochi di mayor, caminda educacion di mucha mester cuminsa.

No laga nos lubida cu sin Palabra di Dios ningun famia por wordo lanta den bon caminda, y esey nos tur por lesa den Hosea 4:6 y tene hopi bon cuenta cu ne.

Pa largo tempo hende a purba di pone Dios un banda y haci cosnan riba nan mes, y hasta basa educacion di nan yiunan riba placa, idolatria y materialismo. Y e sistema di educacion mundial ta remarca cu: 1 pa 6 aña e Actitud di e mucha ta wordo forma.

6-12 aña e mucha ta Custumbra na habito.

12-18 aña e Caracter di e mucha ta wordo forma.

Y tur esey ta den man di e mayor, tur esey tin cu wordo controla seriamente door di e mayor, e rol di mayor ta asina importante for di e momento cu e mucha nace. Na prome luga e Actitud, ta hopi importante, pasobra asina cu e bay scol hende lo nota for di cual cas e a bini.

Na di dos luga habito, tur loke e ta haci, bon of mal custumber, si e ta slordig, si e ta cla pa bringa, of ta papia of imita locual e ta mira famia ta haci na cas, su respet, su vocabulario etc.

Na di tres luga caracter: e formacion di respet pa su mes y otronan. su forma di bisti, su interes den bienestar di su mes y otronan, su escoho di amistadnan, e balor, etica y moral cu e mester ta altura di dje. Pero si tur esakinan tuma luga sin Palabra y presencia di Dios, e ta bira dificil pa e mucha por avansa den bondad, ora e sistema di mundo ta avansa den maldad diariamente.

Mas duro e ta bira pa e mucha ora e mayor, bandona su responsabilidad como tata of mama, net den e temporada cu e mucha tin mas mester, cual ta e tres temporada nan cu nos e menciona mas ariba. P'esey ta masha importante,



pa tur mayor aleha for di: Adulterio, Adiccion, Abuso y otro cosnan cu ta causa Abandono di hogar.

Tur famia kibra tin un victima y esey ta e mucha.

Ta recomendable na tur hoben pa tuma e palabra di Dios na serio pasobra e ta ladron cual ta e diabel ta bini solamente pa horta, mata y destrui (Juan 10:10).

Y no lubida cu Dios ta resisti e orguyosonan y ta duna gracia ma e humildenan (1 Pedro 5:5-7).

No laga ningun hende menosprecia bo hubentud, ma mas bien den palabra, conducta, amor, fe y puresa, demostra bo mes di ta un ehempel pa esnan cu ta kere (1 Timoteo 4:12)

Ta ora pa oracion bolbe bek na tur scol, ta ora pa e palabra di Dios, cual ta e evangelio di reino di Dios wordo predica den cas, y na tur scol.

E situacion cual nos hubentud ta pasando aden nan por wordo rescata solamente, cu Union den Famia, Oracion, y e Palabra di Dios mester wordo instrui na nan, pa asina nan por aleha di maldad.

Parlamentario Shailiny Tromp-Lee: Stichting Hunto haciendo cuidu di salud mental mas accesibel, inclusivo y efectivo



Diahuebs, 15 di februari 2024, mi a asisti na apertura di e edificio nobo di Stichting Hunto. Sigur durante e anochi aki a keda accentua cu e logro aki ta uno masha significativo den luz di e meta principal pa haci cuidu di salud mental accesibel, inclusivo y efectivo aki na Aruba. Desde 2017 cu mi a drenta Parlamento nos a bin ta duna problematicanan manera abuso di mucha, salud mental y e crisis social nacional nan debido atencion. Despues di a sinta cu stakeholders mas y mas bo ta realiza cu nos no por a warda mas y mester duna salud mental su debido atencion y trate como prioridad. Ya prome cu e pandemia a cuminsa traha riba e problematica aki. Lastimamente e pandemia a tranca e proceso, pero asina mes a sigui traha.

Banda cu salud mental ta haya e atencion necesario, inversionnan importante a keda haci cu e meta primordial pa cu tratamentonan ta wordo duna mesora na adulto y mucha, y cu e lista di espera ta bira menos. E apertura di e edificio di Stichting HUNTO no solamente ta simbolisa e integracion fisico di locual ta psiquiatria y tratamiento di adiccion bou di un solo dak, pero tambe ta muestra di compromiso colectivo pa kibra e bareranan existente pa cu esakinan.

Durante di e charlanan nos por a scucha e trayecto largo y dificil cu a keda encamina pa logra crea Stichting HUNTO, logra traha riba e plan y eheccion di e edificio nobo y renobacion di Centro Colorado. Tur e logronan te cu awor a ser logra door di a uni forsa y traha hunto. P'ese y mi kier gradici Gabinete Wever Croes I y II pa nan esfuerzo pa pone e ser humano central. Tambe na Stichting Hunto den su totalidad cu a traha incansablemente pa yega te unda nan ta awe. Cu un solo meta: brinda yudansa, guia y sosten na esnan cu ta busca ayudo y yuda nan tin e resiliencia necesario pa supera e desafionan di salud mental of di adiccion.

Durante e actividad di apertura tabatin presentacion di e artista Levi Silvanie cu a comparti su testimonio cu e publico presente. Un testimonio di su lucha cu salud mental y tambe di su yiu muhe. Pero con e mediante su arte awor ta brinda speransa y perspectiva na esnan cu ta lucha cu nan salud mental. Sigur su palabranan tabata impactante. P'ese y mes, laga cada un di nos sea mas alerta, sea mas involucra. Brinda yudansa y sosten na esnan nos rond y cu ta luchando cu nan salud mental. Informa bo mes unda y con por brinda ayudo y sea e sosten of guia cu nan tin mester.



“Señor ta mi Wardador, mi’n tin falta di nada; Den cunucu di yerba berde, E ta pone mi sosega. E ta hiba mi na awa tranquil, pa mi bolbe haya forsa. E ta guia mi den caminda drechi fiel na su nomber.” Salmo 23

Cu hopi tristeza na nos curason, pero conforme cu boluntad di Dios, nos ta anuncia fayecimento di:

Rosa Maria Christiaans

*24-01-1938-†17-02-2024

Na nomber di su ruman:

Damasa Giel Christiaans y famia
Marianita Christiaans y famia
Ika So Christiaans y famia

Su bon bisiñanan:

Laura (Chichi) Maduro
Nacho Christiaans
Claudia y Frenklyn Jansen
Ro y Cariña Jansen

Un danki special na Wit Gele Kruis pa nan bon servicio

Ta invita pa e acto di entierro cual lo luga ariba: **Diaranson 21 Februari 2024** 9:00am-11:00am na Olive Tree Funeral Care & Crematory na Piedra plat sigui pa Cremacion cu lo tuma luga den seno familiar.

Nos disculpa si den nos tristesa nos a lubida di menciona algun persona. Nos ta lamenta cu despues di Despedida lo no ricibi bishita di condolencia na cas.



Aurora
Royal Pray
Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta
banda di boso Curazon, mi por stens di loke Señor
ta hasi". - Salmo 33

Cu inmenso tristesa na nos curason nos ta anuncia
fayecimento di nos tata, welo, ruman, omo y
padrino stima:

Pedro Florencio Dabian

Cariñosamente yama:

"Chuf di Rooi, Rufo of Opa Poef"

*07 November 1943 - †15 februari 2024

Na number di su mayornan:

†Carlino Dabian y †Maxima Dabian-Albertsz.

Yiunan:

Ghislaine Dabian
Daymond Dabian y Lilly Dirksz
Julisa Dabian
Angel Uriel Mathilda

Nieto y nietanan:

Kylen Dabian
Jélixie Bislip
Dyron Dabian
Jesszady Dabian
Arziany Tromp
Cheydeah Ignatia

Rumannan:

†Pedro Willems y Maria Willems-de Cuba y yiu.
†Elma Dabian.
†Theodoro 'Dotty' Dabian, †Emma Croes, yiunan
y famia.
Abelino 'Belin' y Sira Dabian-Lampe, yiunan y
famia.
Margarita 'Sonia' Geerman-Dabian y †Cristobal
Geerman.
Lucindo 'Lu' Dabian y Carmen Dabian-Willems,
yiunan y famia.
†Angelia Emiliana 'Lita' Dabian.
†Greta Dabian.

Subrino y subrinanan, primo y primanan, ihanan,
amigo y amiganan, comer y compernan.

Un danki enorme ta bay na ayudante Mari Ojeda
Borges y Cas di Cuido Fundacion Paraiso pa a
cuid'e.

Su ex-coleganan di Departamento di Labor, The
Palm Tours, Colegio Arubano, ex-team di futbol
Atlantico, ex-team di domino Noord Stars, bisña y
conocirnan.

Demas famia:

Dabian, Albertsz, Mathilda, Bislip, Tromp, Ignatia,
Dirksz, Willems, de Cuba, Croes, Lampe, Geerman,
Faro, Dijkhoff, Kock, Infanzon, Baris, Vilchez,
Luidens, Blonk, Zavala, Cardenas, Phillip.

Nos ta invita pa asisti na e acto di entierro cual
lo tuma lugar **diabierna 23 februari 2024** na Misa
Inmaculada Concepcion na Santa Cruz pa 2or
di atardi. Despues lo sali pa Santana Catolico na
Santa Cruz.

Ocasion pa condolencia ta na Aurora Funeral
Home **diahuebs 22 februari** for di 7:00pm-9:00pm.

Despensa nos si den nos tristesa nos por a lubida
un familiar.

Nos dicsulpa cu despues di entierro nos no ta ricibi
bishita di condolencia na cas.



Aurora
Royal Pray
Funeral Home & Crematory

Gradicimento

Sheila G.M. Trimon-Lopez

Na nos apreciabel famia y amistadnan,

Mientras nos ta nabega door di e perdida
profundo di mi casa y nos mama stima, Sheila,
nos ta sumamente conmovi y gradicido pa
e sosten grandi cu nos a ricibi di cada un di
boso. Boso presencia, palabra amabel y acto
di compasion tanto prome, durante y despues
di e entierro a trce un consuelo enorme pa nos
curasonnan afligi.

Sheila a touch bida di hopi y ta evidente e
amor demostra y e simpatia cu nos a ricibi. Boso
consideracion a sa di ta un fuente di fortaleza pa
mí y mi famia durante e periodo desafiante aki.

Pa esnan cu a atendé e entierro, manda flor,
prepara cuminda of simplemente a tuma
contacto por medio di un mensahe amabel of a
brinda un braza amical, sa cu boso gestonan no
a pasa nos voorbij sin cu nos a ripara. Boso sosten
a sa di ta un faro di luz den nos momentonan di
mas scur.

Den e dianan nos dilanti, mientras nos ta aprecia
e memorianan cu nos a comparti cu Sheila,
nos ta haya consuelo den e conocimiento
cu e tabata rondona pa un comunidad asina
cariñoso. Boso amor colectivo a haci un impacto
duradero den nos curason.

Danki pa boso sosten y compania, boso
condolencia y pa ta pilar di fortaleza. Boso
generosidad a sa di ta un bendicion berdadero y
un recordatorio cu, aunke den nos dolor, nos no
ta nos so.

Cu un gratitud sincero,
Wilfred, Isabella y Zia, Trimon



Aurora
Royal Pray
Funeral Home & Crematory

Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.

Nos ta anuncia fayecimento di:

Mariela Granada Garcia

Cariñosamente yama "Tanchi of Tanchi Jela"

VDA. di Wever

*27-09-1949 - † 01-02-2024

Acto di despedida lo wordo anuncia despues

There are no goodbyes. Where ever
you'll be, you'll be in my heart.

Rest in Peace.



Aurora
Royal Pray
Funeral Home & Crematory

"Dios a mira cu e tawata cansa ora no
tawata tin cura mas ela pone su brasanan
rond di dje y bisa serca mi dune sosiego.
"bow di alanan di Dios mi ta sigur"
Salmo 91

Cu honda pena y conforme cu boluntad di
Dios, nos ta anuncia fayecimento di:

Antonio Neyrot Croes

Mihor conoci como "Robby"

*10-04-1945 - †14-02-2024

Na number di su:

Casa: Maria M. Croes-Tromp

Yiu:

Patrick Croes y Anushka Werleman

Nietonan stima:

Jean-Paul y Anray Croes
†Darius Werleman

Mayornan:

†Bernardus y Johanita Croes-Webb

Rumannan:

†Manolo "Rey" Croes
†Mauricio Croes & †Rosa Croes-v/d Linden y
famia
†Damasa Croes & Alexander Croes y famia
†Catarina Croes
Maximina Croes
†Jacob "Coby" Croes y famia
†Jacinto "Chinto" Croes y famia
+Pedro "Buchi" Croes
Vda. Tecla Croes
Vda. Sita Croes & †Lorenzo Croes y famia

Swa:

Cornelis y Elba Tromp y famia

Cuñanan:

†Siblina "Ina" Tromp y famia
Andrea Tromp y famia
†Merita Tromp y famia
Jeanette Tromp
†Emelinda Tromp y famia
Estrellita y Trevor Rolle – Tromp y famia
Evelinda & Rudy Tromp y famia
†Anushka Tromp y famia

Sobrino y sobrinanan, primo y primanan,
bisiñanan y conocirnan

Demas famia: Croes, Tromp,
Webb, Werleman, Yarzagaray, Solognier,
Maduro, Winterdal, Rasmijn, Kransen,
Hernandez, Boekhoudt, Geerman, van der
Biezen, Carrasquerro, Quandus, Quandt, v/d
Linden, Rolle.

Nos disculpa si den nos tristesa nos por a
lubida algun famia of conocir.

Ta invita pa acto di condolencia y entierro
cual lo tuma lugar na Aurora Funeral Home
diamars 20 februari 2024 di 2'or pa 4'or di
atardi. Despues lo sali pa Santana Central
Sabana Basora.

Nos ta lamenta cu despues di entierro nos no
por ricibi bishita di condolencia na cas



AWEMainta

**Scan nos QR code y
bira abonado di AWEMainta**
Completamente GRATIS

- 1: Usando bo camera di telefon, scan nos QR code na banda.
2. Bay riba "Show Options", "Open in broswer".
3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com